

**CENTRALNA BANKA
BOSNE I HERCEGOVINE**

Broj: 150-15-4-714-8/18 DM
Sarajevo, 30.04..2018. godine

Na osnovu člana 70. st. (1), (3) i (6) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i člana 13. stav (3) Pravilnika o javnim nabavkama, broj: UV-122-01-1-11/18 RJ od 30.01.2018. godine, guverner Centralne banke Bosne i Hercegovine, donosi

O D L U K U

o izboru najpovoljnijeg ponuđača u postupku javne nabavke usluga - izrada idejnog projekta dogradnje i rekonstrukcije objekta Centralne banke Bosne i Hercegovine Filijale Brčko

Član 1.

Centralna banka Bosne i Hercegovine (u daljem tekstu: Centralna banka) dodjeljuje ugovor za nabavku usluga – izrada idejnog projekta dogradnje i rekonstrukcije objekta Centralne banke Bosne i Hercegovine Filijale Brčko, ponuditelju **GRADITELJ d.o.o. Brčko**, a u svemu prema ponudi, broj: 89-ŠŠ-0-03/18 od 29.03.2018. godine i Izveštaju o toku i završetku e-aukcije koja je zakazana i završena dana 20.04.2018. godine.

Član 2.

(1) Ponuda ponuđača iz člana 1. ovog ugovora iznosi:

3.990,00 KM bez uračunatog PDV-a
(slovima: trihiljadedevedestodevedeset konvertibilnih marka i 00/100),

4.668,30 KM sa uračunatim PDV-om
(slovima: četirihiljadešestošezdesetosam konvertibilnih marka i 30/100).

Član 2.

Centralna banka će, po sticanju uslova za zaključenje ugovora po osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor za čije se izvršenje zadužuje Centralna banka Bosne i Hercegovine Filijala Brčko.

Član 4.

Centralna banka će o rezultatima provedenog postupka javne nabavke obavijestiti ponuđače.

Član 5.

Za realizaciju ove odluke zadužuju se Odjeljenje za javne nabavke i Odjeljenje za računovodstvo i financije Centralnog ureda Centralne banke Bosne i Hercegovine.

Član 6.

Ova odluka će se objaviti na web stranici Centralne banke www.cbbh.ba, istovremeno sa upućivanjem obavijesti ponuđačima koji su sudjelovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj: 39/14).

fu

8 ↑

Član 7.

Ova odluka stupa na snagu danom donošenja.

O b r a z l o ž e n j e

Postupak javne nabavke usluga - izrada idejnog projekta dogradnje i rekonstrukcije objekta Centralne banke Bosne i Hercegovine Filijale Brčko, pokrenut je Odlukom, broj: 150-15-4-714-3/18 DM od 27.02.2018. godine. U skladu s tim, Centralna banka je dana 13.03.2018 godine na portalu Javnih nabavki objavila Obavještenje o nabavci broj: 1370-1-2-154/18.

U ovom postupku javne nabave sudjelovala su četiri ponuditelja: DOO Institut za zaštitu, ekologiju i obrazovanje Tuzla; "Arhitekt" d.o.o. Mostar; "Smajić-Inženjering" d.o.o. Goražde; "Graditelj" d.o.o. Brčko.

Evalvacijom ponude ponuditelja "Arhitekt" d.o.o. Mostar, nadležna komisija za provođenje ovog postupka javne nabave (u daljem tekstu: Komisija), ustanovila je da navedeni ponuditelj nije dostavio Rješenje izdato od strane Odjeljenja za javnu sigurnost Vlade Brčko distrikta B i H, temeljem kojeg se dokazuje ispunjenje uslova za obavljanje djelatnosti u skladu sa Pravilnikom o ispunjavanju uslova pravnih lica za izradu tehničke dokumentacije, revizije tehničke dokumentacije, građenja i nadzora („Službeni glasnik Brčko distrikta B i H“, broj 18/11), te je stoga ova ponuda ocijenjena kao neprihvatljiva.

Nadalje, evaluacijom ponude "Smajić-Inženjering" d.o.o. Goražde, Komisija je ustanovila da je ponuđena cijena ovog ponuditelja neprirodno niska. U skladu sa članom 66. Zakona o javnim nabavkama kao i poglavlja "F" dodatne informacije, tačka 5. "Neprirodno niska ponuđena cijena" tenderske dokumentacije, prema navedenom ponuditelju upućen je Zahtjev za pojašnjenje neprirodno niske cijene ponude, broj: 150-15-4-714-7/18 SM od 03.04.2018. godine. Ovaj ponuditelj nije u procesnom roku od tri dana, računajući od dana zaprimanja navedenog akta, dostavio traženo pojašnjenje. Te je stoga, a sukladno naprijed navedenoj odredbi iz zakona, ponuda ovog ponuditelja odbačena.

Shodno ovome, Komisija je ustanovila da ponuda ponuditelja **DOO Institut za zaštitu, ekologiju i obrazovanje Tuzla** i ponuda ponuditelja **Graditelj d.o.o. Brčko**, u potpunosti ispunjavaju sve postavljene uvjete - zahtjeve iz tenderske dokumentacije, te je zakazana „E-aukcija“ sa ova dva ponuditelja.

Nakon provedene „E-aukcije“, koja je počela dana 20.04.2018. godine u 10:00 sati, a završena istog dana u 11:04:59 sati, ustanovljena je konačna rang lista, gdje je (prema kriteriju najniže cijene) ponuditelj **Graditelj d.o.o. Brčko**, rangiran na prvo mjesto.

Sve navedene okolnosti i ustanovljene činjenice, Komisija je konstatirala u svom Zapisniku o pregledu i ocjeni ponuda, broj: 149-15-4-122-13/18 od 26.04.2018. godine.

Nadalje, Komisija je u svom Izvještaju o radu komisije sa preporukom, broj: 149-15-4-122-14/18 od 26.04.2018. godine dala preporuku, da se ugovor zaključi s ponuditeljem **Graditelj d.o.o. Brčko**.

Cijeneći sve iznesene činjenice i stavove komisije izražene u navedenom zapisniku i preporuci, odlučeno je kao u izreci.

Pouka o pravnom lijeku:

Protiv ove odluke može se uložiti žalba u pisanoj formi, Centralnoj banci, u roku od 10 dana od dana prijema odluke o izboru najpovoljnijeg ponuđača.

Dostaviti:

- Uredu guvernera
- Viceguvernerima
- Uredu glavnog internog revizora
- sekretaru Uprave i Upravnog vijeća
- Odjeljenju za računovodstvo i finansije (original)
- Odjeljenju za javne nabavke (original)
- Centralna banka Bosne i Hercegovine Filijala Brčko
- Odjeljenju za ljudske resurse



G U V E R N E R
dr Senad Softić

Senad Softić

ds

10